

Broj: 05-02/2-1834/22 EZ
Sarajevo, 13.06.2022. godine

**PARLAMENT FEDERACIJE BOSNE I HERCEGOVINE
DOM NARODA**

**n/r g-din Hadživdić Izmir, sekretara
n/r g-đe Imširević Sandre, delegatkinje**

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r g-đe Kalajdžić Edite, sekretara Vlade**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 16-06-2022			
Org. jed.	Broj	Priloga	Vrijednost
05/2	-02-	177	/22

PREDMET: Odgovor na delegatsko pitanje, **dostavlja se,**

VEZA: Akt sekretara Doma naroda Parlamenta Federacije Bosne i Hercegovine broj:
05/2-02-177/22 od 31.05.2022. godine

Poštovane/i,

Na osnovu akata veze, dostavljamo Vam odgovor na delegatsko pitanje koje je u pisanoj formi podnijela na 18. sjednici Doma naroda Parlamenta Federacije BiH, održanoj dana 26.05.2022. godine, delegatkinja Sandra Imširević.

Delegatsko pitanje glasi: U kojoj fazi su izmjene i dopune Zakona o roditeljima njegovateljima u Federaciji Bosne i Hercegovine a obzirom na rok od 30 dana ostavljen od strane Ombudsmena za ljudska prava Bosne i Hercegovine, dok su zahtjevi roditelja još uvijek na čekanju?

Federalnom ministarstvu rada i socijalne politike u proteklom periodu odnosno od 30.12.2021. godine od kada je otpočela primjena Zakona o roditeljima njegovateljima u Federaciji Bosne i Hercegovine („Službene novine Federacije BiH“, broj: 75/21), centri za socijalni rad dostavljali su dopise kojima su ukazivali na probleme u primjeni predmetnog propisa. Kao ključni problem isticali su problem u primjeni člana 11. stav (5) predmetnog Zakona, kojim je određeno da obračun, prijavu i uplatu mjesečne naknade i pripadajućih doprinosa iz st. (1) i (2) istog člana, kao i prijave/odjave u Jedinostveni sistem registracije, kontrole i naplate doprinosa vrši centar za socijalni rad, odnosno općinska služba za socijalnu zaštitu.

Problemi u primjeni propisa vezani za član 11. predmetnog Zakona odnosili su se na nemogućnost prijave/odjave u Jedinostveni sistem registracije, kontrole i naplate doprinosa roditelja koji bi stekli status roditelja njegovatelja, a navedeni problem veže se za propise koji nisu samo u nadležnosti ovog ministarstva. Obavještavamo vas da su u koordiniranim aktivnostima ovog ministarstva i Federalnog ministarstva

finansija/financija otklonjene prepreke za implementaciju člana 11. Zakona o roditeljima njegovateljima u Federaciji Bosne i Hercegovine.

Federalno ministarstvo finansija/financija je, u cilju implementacije Zakona o roditeljima njegovateljima u Federaciji Bosne i Hercegovine, odnosno omogućavanja prijave u Jedinstveni sistem registracije, kontrole i naplate doprinosa, donijelo Pravilnik o izmjenama i dopunama Pravilnika o podnošenju prijava za upis i promjene upisa u jedinstveni sistem registracije, kontrole i naplate doprinosa ("Sužbene novine Federacije BiH", broj: 20/22), kao i Pravilnik o izmjenama i dopunama Pravilnika o primjeni Zakona o porezu na dohodak ("Sužbene novine Federacije BiH", broj: 20/22).

S ciljem lakše implementacije Pravilnika o izmjenama i dopunama Pravilnika o primjeni Zakona o porezu na dohodak od strane nadležnih organa i lica/poreznih obaveznika na koje se isti odnosi (centri za socijalni rad/službe socijalne zaštite, roditelji njegovatelji) Federalno ministarstvo finansija/financija pripremlilo je Upute za roditelje njegovatelje o načinu popunjavanja Zahtjeva za izdavanje porezne kartice (Obrazac PK-1001) i Upute za centre za socijalni rad i općinske službe za socijalnu zaštitu o specifičnostima koje se tiču načina popunjavanja Obrascu MIP-1023 i Obrascu PMIP-1024 vezanim za isplate naknada roditeljima njegovateljima. Također, Porezna uprava Federacije Bosne i Hercegovine okončala je aktivnosti na pripremi Jedinstvenog sistema registracije, kontrole i naplate doprinosa u svrhu provedbe člana 11. stav (5) navedenog Zakona.

O svemu navedenom obavješteni su centri za socijalni rad/službe socijalne zaštite u Federaciji Bosne i Hercegovine u više navrata. Centrima za socijalni rad/službama socijalne zaštite koji su dostavili tražene podatke konfigurisana je SOTAC baza i isti su pristupili rješavanju zahtjeva za priznavanje statusa roditelja njegovatelja.

U pogledu preporuke da se bez odlaganja upute u proceduru donošenja Izmjene i dopune Zakona o roditeljima njegovateljima u Federaciji Bosne i Hercegovine, u skladu sa Zaključkom Doma naroda Parlamenta Federacije Bosne i Hercegovine, obavještavamo Vas da je Zakon o roditeljima njegovateljima u Federaciji Bosne i Hercegovine donesen bez da su drugi sistemi (poreski, penzioni, zdravstveni), od kojih zavisi primjena navedenog propisa, bili pripremljeni za implementaciju istog. Federalno ministarstvo rada i socijalne politike u proteklom periodu svoje aktivnosti je usmjerilo na stvaranju pretpostavki za implementaciju propisa obzirom da je primjena istog propisa formalno počela u decembru mjesecu 2021. godine. Obzirom da je implementacija propisa tek započela, te da će se u narednom periodu jasnije vidjeti koji su još problemi u primjeni propisa, obavještavamo vas da će ovo ministarstvo pristupiti pripremi izmjena i dopuna predmetnog propisa.

S poštovanjem,



Dostavljeno:

- Naslovu
- Sektoru za socijalnu zaštitu i zaštitu porodice djece
- a/a